


石倉十二代詩選

八十七



明詩三十一之三


漢書門類			
三七四	五號	函	架
一九七	七號	冊	架
一四二	冊		

內閣文庫			
三九	函	三七四	五號
一四	冊	二冊	架
四	架		

內閣文庫	
番號	漢 3745
冊數	142 (89)
函號	319 25

明詩三十一之三


八十七



藍澗詩集序

淺草文庫

余初入閩識藍靜之氏知其有詩名而弟明之
資稟秀異記誦明敏心固期其遠大矣未幾余
授館邑中而明之時來切磋問辨以進其所不
及又以市塵紛冗廼往西山庵端坐讀誦者終
歲猶以為未得名師友遂下三山習舉子業業
成而歸時清碧杜先生隱居平川崇尚古學明
之從兄俱往師焉先生授以任叔植詩法始悟
舊學之非先生已矣師文蔣先生居鶴田復往



歷代詩選
卷之九
執弟子禮自爾明之學日益進詩日益工余故
美其超然不可追逐而時輩亦罕有能及之者
嘗試于有司不利復值黜遂棄去科舉學刻意
于詩凡景物之動興時事之興懷靡不干詩發
之騷人才士入閩者咸與之吟咏輒加敬服然
隱處山林率多平淡之音窮苦之辭未足以展
其英邁也有司求賢首薦剡馳驛赴京授以
西廣憲僉于是邇大江汎湖湘望九疑度桂嶺
歷諸管凡山川之奇崛城郭之壯麗今昔之興

廢聖賢之遺跡時事之變遷可喜可歎可驚可
愕悲憂慷慨發爲長篇大章清詞麗句始大快
其生平之願盡吐其胸中之蘊而詩道之踴躍
不可以尋尺計矣夫遠遊周覽以昌其詩者幸
也客歿他鄉不永天年者不幸也幸與不幸皆
天也非人所能爲也又何置欣戚于其間哉其
友人上清程芳遠與明之交最厚嘗裒集其詩
分類成篇付其子姪刻而傳之鶴田先生序之
詳矣余復何言而識其後如此雲松樵叟張榘

題

對悲憂剗璫幾為身
蕭大章青隨飄向欲大
辨
聖賢之貴和邦事之變
聖賢之貴和邦事之變

石倉十二代詩選

明詩卷之三十一

藍澗集

大明

崇安藍智著

後學曹學佺閱

擬貧士二首

蠨蛸網我戶
蟋蟀號我壁
被褐不掩脛
采薇豈充食
歲有飢寒憂
巷無車馬跡
豈知曠達觀
不以貧病迫
昔聞孔顏聖
亦有陳蔡厄
澹然忘世慮
弦歌自朝夕
蓬門有一士
被褐恒苦飢
朝飲南澗流
暮食西

歷代詩選

月藍月之

卷三十一

一

長

山芝雖有二頃園蕪穢亦不治妻子共寂寞彈
琴詠書詩荒林積雪深古屋炊煙遲高卧自有
適何必他人知

客建上將歸山中留別鐫典籤

入山願遠遊出山願早歸羈懷苦無悰芳序倏
已非瀾瀾江海流紛紛花絮飛清霜變玄髮游
塵化緇衣躋危迹易乖少壯心轉違雲鴻每獨
往梁燕當疇依野樹滯殘雨荒臺澹斜暉浩歌
綠水曲空拂黃金徽

宿田家望武夷山

仙崖蓄靈異惟石盤空曲一水隔花村千峯入
茆屋金芝暖逾秀瑤草寒更綠雲中武夷仙一
一顏如玉白馬去不歸玄猿叫相逐昔陪丹丘
侶酣歌紫霞谷雞鳴洞天曉落月在林木空瞻
仙子高舊夢那可續荒林激悲風日入對樵牧
佇立望歸雲解衣田舍宿

暮宿田家作

木落寒天正山空日將暮荒林倦鳥歸亂水行

人渡窮年滯草莽。短褐被霜露。晚宿依田家。主人情亦故。汲水泉滿澗。燒竹烟在戶。鐘殘溪上村。月照階前樹。濁酒初漉醅。嘉蔬亦時具。且慰飢渴懷。况諸村野趣。老翁八十餘。有子歿征戍。秔稻歲莫收。官司日加賦。我願息兵戈。海宇重農務。愧乏經濟材。徒然守章句。

正月十四日西山感興

久曠山水遊。今晨願無違。松林收殘雨。郊園澹朝暉。憇澗弄清泚。緣岡陟翠微。池魚暖始遊。岩

花寒尚稀。高人坐空堂。深竹對掩扉。山中聞犬吠。谷口見樵歸。心賞適有契。仙遊詎能希。賴此一樽酒。暫然息塵機。古來朝市間。榮華多是非。所以首陽士。白首甘采薇。

風雨不已。川流渺漫。感事敘懷。束我同志。雲雷中夜興。風雨達清旦。開門山木昏。隱几波瀾亂。鸛鶴下空庭。蛟螭上高岍。舟航遠樹杪。石壁中流半。黍豆或漂流。蓬蒿乃滋蔓。北風不掃除。南海盡瀾漫。迺知兵戈氣。鬱結久不散。坤軸

歷代詩選 明 卷之三
三
恐歆傾陽烏失光燦傷時轉淒涼涉世正憂患
微躬愧鳥雀何由塞天漢

暮秋懷鄭居貞

季秋霜露降草木日已衰暮登城門丘遙望滄
海涯鳥鳴求其羣况在遠別離美人顏如玉夢
寐恒見之飄蕭紫鳳毛照耀珊瑚枝海水不可
越丹砂詎能期灑灑杯中酒泠泠桐上絲豈無
一日歡念子平何時少壯難合并流光倏如馳
悠悠逝川歎渺渺停雲思

廬山

峩峩匡廬山渺渺江湖區下蘊龍虎氣上通仙
靈都微雲出巨壑飛雨徧海隅崖瀑瀉銀河隨
風散明珠五老何翩翩蒼然古鬚徘徊芝山
翁彷彿桃源徒芙蓉落日淨白鶴秋風孤靈境
不可即維舟增鬱紆

湘江晚泊簡孟原愈憲

山秋衡霍空江晚瀟湘淨煙景澹蒼屏芙蓉肅
明鏡澄波木葉下落日餘霞暎仰聆幽鳥喧俯

歷代詩選 卷二十一
觀文鱗泳碧石拐輕舟蒼苔踏微徑林昏出樵
火寺遠來僧磬景晏傷旅懷地幽慊愚性跡慚
箕穎高身際唐虞聖三秋持使節萬里奉王命
恩沾雨露深志仗風霜勁敢辭道路遙况接才
華盛靜夜發商歌劍光南斗金

泛湘江

逶迤湘水長浩蕩蘭舟遠野曠衡岳秋天空洞
庭晚芙蓉覆清波荔薜搖翠巘逕轉松林深崖
傾菊花滿依稀辯村落重疊見丘阪蒼蒼林日
微悄悄墟煙斷寒魚已入夜棲鳥亦知返旅泊
愧倥傯塵襟藉疎散山林未如願泉石空在眼
挂帆望南斗中夜哀歌短

書懷寄示小兒澤

昔我南澗來遂謀西園居瀟瀟桑柘陰下有比
屋廬交枝轉黃鳥澄波躍文魚花香入戶牖草
色連階除衡門閉白日高詠古人書日送遠山
雲心游天地初貧賤固可樂富貴將焉如

河池縣險路

歷代詩選 卷三十一 五
連峰入河池，險路徭人村。喬木盡參天，白日爲
之昏。上有高石厓，下有清水源。蕭蕭篁竹叢，落
日聞哀猿。職當觀民風，載驅隰與原。瘦馬嘶不
動，瘠童行似奔。山川秋氣高，鷹隼宜飛騫。俯念
遠人思，仰慚父母恩。東郊有茆屋，時稼繞衡門。
攬轡倦行役，徘徊思故鄉。

秋山懷友

天寒草木疎，落日照平野。孤雲西北馳，獨鳥東
南下。仰聆寒蟬悲，俯見驚湍瀉。物情自索莫，秋

已正瀟灑。良朋久相違，離思何由寫。

爲陳叔原題漁樵圖

武夷老人年七十，晝業漁樵夜妻織。有兒長大
不讀書，采山釣瀨供衣食。此翁自是神仙徒，牀
頭酒香不用沽。生逢太平少征歛，雖有生產無
官租。昨朝自携書一束，過我衡門看秋菊。新圖
蒼莽煙水寒，復有疎篁間枯木。一客負薪山路
長，一客榜舟漁在梁。荒林無人日未落，偶坐有
意俱相忘。知君老去猶愛此，能以安閒遺孫子。

愧我十年塵土間。按圖欲借溪南山。

秋堂圖爲陳原謙賦

故人家在臨川曲。獨向秋山結茆屋。太平海宇
尚文治。白日弦歌在空谷。賈生亦有政事書。杜
陵何必成都居。直從五雲叫閭闔。豈顧萬里勞
舟車。東南烽火連城郭。迴首松筠隔丘壑。曳裾
久食諸侯門。仗劍暫入將軍幙。將軍一戰復城
池。五馬仍持太守麾。掉舌已能平亂境。苦心端
爲撫瘡痍。黃花紅葉公庭靜。夜涼却憶秋堂興。

山童掃葉月侵階。野老閉門雲滿逕。晴窗示我
方壺圖。匡廬彭蠡秋風初。故鄉未報洗兵馬。扁
舟何處尋鱸魚。我家卜築西窗下。兄弟連牀書
滿架。石田春暖蕨薇香。竹屋燈寒風雨夜。自從
淮海戰塵昏。官府誅求政令煩。無人問字日携
酒。有吏催租夜打門。山林雖好難容跡。明年擬
作江東客。直道何須光範書。匡時空負劉蕡策。
人生須作遠大期。丈夫豈惟鄉里思。求田問舍
徒爲耳。富貴功名良有時。

雨中柬王幼度

客子清晨卧江閣老樹閉門風雨惡漁舟滿眼
亂波濤殺氣冥冥塞寥廓地爐火冷席無瓊短
衣百結雙履穿寒食清明不歸去故山松柏空
雲煙先生適自江東至行李兼旬共留滯登樓
王粲謾多才獻策劉黃甘下第三鱣聊爾擁臯
比一鷄未負風雲期青春白日麟鳳遠長林豐
草豺狼飢十年烽火暗南極戎馬紛紛未休息
朝廷耆舊困草萊鄉里兒童誇膂力我今旅舍

向孤城君亦胡爲念遠行人生只在意氣合世
亂未覺文章輕野人豈知天下事杜宇夜啼花
滿地狂如賈誼惟痛哭貧似揚雄空識字昨夜
封書與雁歸妻孥應怪苦回避丈夫磊落志千
載一日窮途何足悲

題鄭德彰員外所藏高彥敬畫楚江春曉

圖

旭日未出羣山昏蒼茫楚江多白雲芳洲無人
采蘅杜落花飛絮春紛紛晴嵐滿戶漁家曉花

枝鬢鬢聞啼鳥。巫陽夢斷三峽空。湘渚愁深九
疑小。文彩風流高尚書。如此江山歸畫圖。平湖
煙靄水空濶。陰壑松檜天模糊。左司郎官何處
得高堂。紫翠生春色。是中宜有五湖人。一葉扁
舟蕩空碧。風塵兵革浩茫茫。對此便欲歌滄浪。
碧梧翠竹生高岡。豈無彩鳳鳴朝陽。

送閩憲史丘子胤回三山

我昔南遊訪蓬島。越王城郭生芳草。釣龍臺下
晚潮空。道山亭上秋風早。朱樓綺戶歌太平。邊

塵不驚河水清。祗將六籍論經濟。何用萬里求
功名。豈信流光不相待。風景未殊人事改。羞將
藥裹對青山。獨向雲林望滄海。浮丘之子黃鶴
姿。羽人曾作滄洲期。醉持瑤草渡弱水。笑接白
雲來武夷。昨朝別我三山去。却憶當年舊遊處。
世事悠悠西浦波。愁心歷歷洪塘樹。人生行樂
在青春。出門四顧多煙塵。少年裘馬誇意氣。自
古文章難致身。山川蕭瑟年華晚。季子貂裘霜
雪滿。扁舟何處夢相思。月落江空雁聲遠。

春夜宴伯穎元帥宅題雲林茆屋圖

高堂華燭延賓客。疊嶂層崖寫秋色。五老天寒
楚樹青。九疑日暮湘雲白。茆屋溪頭何處村。長
林無人啼鳥聞。嵐侵山市晝冉冉。葉墜霜野晴
紛紛。清夜高城雷雨作。將軍置酒相娛樂。月黑
蛟龍起洞潭。山荒虎豹依叢薄。少年愛畫頗入
神。時危思與煙霞親。故園不歸湖上宅。春樹長
憶江東人。

題璋上人所藏溫日觀墨蒲萄

鮫人織綃翡翠宮。驪珠滴露垂玲瓏。老禪定起
寫秋影。空山月轉雙梧桐。憶昔初移大宛種。昔
宿榴花俱入貢。蓬萊別館綠雲深。太液晴波水
晶重。貝南之谷曇老居。生紙顛倒長藤枯。墨池
禿盡白兔頰。天風吹墜青龍鬚。祇園馬乳秋初
熟。點綴鴛湖雲。一幅醉草猶疑懷素狂。寒梅顛
覺華光俗野堂。千尺手所栽。兵戈蕪沒同蒿萊。
日斜對畫獨廻首。詩成誰致西涼酒。
雲峰秋霽圖爲方煥賦

歷代詩選 卷三十一
一
茆屋溪頭紅葉村。石梁秋水清無痕。粉榆過雨
鳥鳴澗。秔稻如雲山對門。老翁日高睡未起。稚
子讀書窗戶裏。干戈如此賦歛煩。雞犬晏然鄉
曲喜。山中酒熟黃花開。仙人候我芙蓉臺。雲林
今夜好明月。擬跨幔亭黃鶴來。

贈武夷魏士達

武夷山水天下無。層巒疊嶂皆畫圖。山川直疑
混沌鑿。秦漢而下靈仙都。中天積翠開宮殿。石
壁虹光夜如電。鸞鳳常驟神姥遊。猿猴共醉曾

孫宴洞中。別有昇真天。瓊林遺蛻如枯蟬。露盤
仙掌千年藥。春水桃花九曲船。萬松岡頭羽衣
客。更入三山采真訣。神游不計海天遙。夢覺長
懷海天白。歸來高隱萬年宮。天香時降雙青童。
道叅元始鴻濛外。身寄虛空象緯中。嗟予久慕
煙霞侶。天遣空山作詩苦。清歌曾遶幔亭雲。凍
筆空題草堂雨。金丹擬就玉蟾分。木葉西風鐵
笛聞。野老只知堯舜世。樵夫或遇武夷君。

送鄭彥斌歸新安

越王城頭花似霰。越王城下江如練。倦客三春正憶歸。美人千里初相見。羨君之才不作官。知君有酒常開顏。朝陽鳴鳳在中野。白雲黃鶴懷青山。王門曳裾今幾載。賓主風流擅文彩。竹書燈火卧西窗。玉帳旌旗鎮南海。南海魚肥荔子香。君獨胡爲念舊鄉。秋風落葉茆茨晚。春草啼鴉丘壑荒。新安山水東南美。洙泗淵源有朱子。莫將三絕動君王。但用六經訓閭里。伯也看山入武夷。清泉白石共題詩。約君明日扁舟發。爛

醉幔亭溪上月

相逢行贈徐剛中之建寧兼柬黃彥美總

帥

去年逢君紫霞洲。今日逢君滄海頭。逢君處處好顏色。歎我年年長作客。被褐昂藏七尺軀。蟠胸磊落五車書。姑蘇臺北曾走馬。越王城南還釣魚。看花夢想揚州遠。採藥歸來杏林晚。堂上慈親鶴髮長。階前兒女鶉衣短。見君雖貧不解愁。結交盡是豪俠流。侯門咫尺耻干謁。客路尋

常歌遠遊我亦扁舟滯江浦握手相看總羈旅
千年龍劍蝕塵泥三月鶯花老風雨明日洪塘
又送君離亭詩思正紛紛黃鱸有酒莫漫醉待
予同擬梅仙雲

攬秀樓詩爲九江陳仲文作

將軍樓成九江口背倚長江面廬阜雙劍寒光
列畫圖香爐曉色當窗牖一官作鎮已三年
犬不驚人晏眠案上芸香浮竹簡檻前帆影過
江船我來正值西風落南望雲松秋萬壑五
應乘白鶴來諸公不負黃花酌庾亮樓前空薜
蘿虎溪明月漾晴波一時人物風流盛千古江
山感慨多絕壁孤煙淨如掃雲錦芙蓉鏡中老
攬秀長歌太白詩木落江空雁聲小

赤壁

長江西來雨如霧赤壁蒼蒼風雨暮草木猶疑
橫槩時塵沙尚憶焚舟處烏林渡口下舳艫曹
瞞已料無全吳陣前部曲奔先王眼中談笑輕
周瑜君臣謀合士賈勇玉帳旌旗亦飛動樓櫓

晴空煙焰高魚龍白日波濤湧荆門牢落駐殘
兵野曠不聞鼙鼓聲戰骨秋埋湖外草捷書夜
報石頭城雄圖霸氣兩消歇地老天荒秋一葉
石上殘碑過客題沙中古劍漁人得漢王祠枕
碧山隅諸葛臺荒野鳥呼千年忠義出師表萬
里江山八陣圖

泛洞庭湖作

昔歌杜甫洞庭作壯思高秋動寥廓天風吹夢
岳陽樓九月揚帆湖水落中流四望破泠泠

天倒浸涵滄溟龍堆千尺雲濤白鼉背一點碧
山青茫茫元氣浩無外巨澤方知百川會錦浪
愁翻灩澦深黃流怒擘崑山碎漂吳蕩楚注海
門吞雲吸夢移山根東南但見日月出咫尺常
愁雲雨昏輕舟破浪疾如箭瓣香走謁龍王殿
琴高赤鯉有時逢温嶠然犀可辯偶然風靜
波不喧青銅一鏡磨蒼雲舟人漁子雙雙過斷
雁殘鴉箇箇聞汨羅欲弔懷沙客芳洲誰鼓湘
靈瑟清淚空餘野竹斑忠魂何許楓林黑古今

萬事共悠悠。人生有酒且澆愁。喜探禹蹟得奇
觀。濯足滄浪歌遠遊。

秋曉南薰亭。望隔江羣峰。初日宛然如畫。
扶桑西南丹桂林。初日照耀羣峰青。琅玕墜露
天杳杳。芙蓉隔水秋冥冥。我騎瘦馬踏殘雨。乘
涼燕坐南薰亭。是時燭龍吐光晶。倒影正掛雙
玉屏。祥煙慶雲忽飛動。翠旂羽蓋搏紫清。恍如
仙人下雲輶。金銀宮闕羅蓬瀛。丹青疑對李郭
畫。詭怪莫過山海經。江波蕩漾洲渚橫。時有白鳥

鳴。西郊爽氣生檐楹。毛髮颯颯通神靈。
重華一去呼不返。疑山九點浮青萍。黃帝垂衣
靜西漠。杲杲白日中天行。湘江之竹鸞鳳聲。吹
作簫韶詠太平。

銅雀臺效劉彥炳賦

曹瞞騁志吞劉社。銅雀臺高瞰中夏。徒知扼腕
有卧龍。豈料垂涎已司馬。萬里河山尚出師。九
原魂魄歸何時。清秋風雨滿陵樹。落日笙歌繞
總帷。翠娥紅袖恩情絕。廢冢荒臺狐兔穴。空餘

片瓦落人間千載奸雄磨未滅

送春詞

把酒送春春欲歸落花無言愁不飛天涯萬里
不忍別杜宇啼乾枝上血離亭芳草色萋萋不
爲東君絆馬蹄傷心燕子銜將去綠陰細雨簾
櫳暮小園桃李明年開土牛迎春春早來但願
花枝長好人長健歲歲年年一相見

落花怨

春風開花花滿枝春雨落花花作泥飄紅墜白

不解惜裁青剪翠空如迷莫嫌花飛春去早第
恐春歸人易老狂蝶無心戀故枝遊蜂有意穿
芳草江上行人去不歸閨中少婦淚沾衣春愁
榮人無遠近燕子不來花落盡

天涯路

十年一片土云是天涯路路上行人西復東惟
有青楓記朝暮楓樹摧爲薪行人朝暮新脩途
傷馬足峻阪折車輪前車已折馬已死後來行
行殊未已君不見阮籍窮途哭杜陵悲路難

父逐日骨已朽，穆王八駿何時還。年年江水流，日日黃塵飛。天涯路君不歸，草根夕露沾人衣。
宿橘山田家懷蔣先生

蒼峰落日微，白鶴秋風遠。客路入疎鐘，田家背山阪。孤煙桑柘寒，歸鳥茆茨晚。欲覓紫芝翁，山深白雲滿。

曉起

雞鳴庭樹寒，白露滿秋草。候虫悲夜長，愁人起常早。出門衣常單，悵望千里道。歸來守衡茆，

羸猶可飽。

西山暮歸

涼葉墜微風，秋山正蕭爽。天寒獨鳥歸，日夕百虫響。偶從桂樹招，遂有桃源想。石磴圓無人，山猿自來往。

暮歸山中

暮歸山已昏，濯足月在澗。衡門棲鵲定，暗樹流螢亂。妻孥候我至，明燈共蔬飯。佇立松桂涼，疎星隔河漢。

郊居

郊居頗岑寂，疎懶諧愚性。雨過茆屋涼，蟬鳴晚
山靜。坐來塵慮空，始覺心源瑩。月出樵牧還，松
風答清磬。

九日病中

伏枕山林遠，閉門風雨深。一秋貧轉甚，九日病
兼侵。落葉荒三逕，窮愁折寸心。細看黃菊蕊，空
感白頭吟。

徐雪舟爲畫藍澗草堂圖

碧草連書屋，蒼山對畫圖。鶴巢秋樹小，漁艇夕
陽孤。野色晴初遠，溪雲淡欲無。浮楂倚盤石，把
釣任潛夫。

經石堂追懷盧使君

舊隱仙人館，曾陪使者車。那知滄海別，不返白
雲居。山雨荒樵徑，窗塵汗道書。傷心庭外竹，清
影漫扶疎。

兵後歸西山

亂後歸茆屋，晨興步石田。客愁空日日，春色自

歷代詩選 明 藍明之 卷 七
年年風雨啼鶯外。江湖去鳥前。艱難思故舊。回首意茫然。

復歸西山作

旅寓初回棹。幽棲暫閉關。桑麻林下宅。樵牧雨中山。小徑看花入。孤雲共鳥還。時清甘屏迹。黃綺自商顏。

秋雨

林雨秋逾潤。川雲晚更停。遠峰明白塔。古木暗蒼屏。野老營茆棟。山僧寄茯苓。干將塵土劍。猶

有氣冲星

晚步

伏熱草木焦。微涼竹林晚。天清一鶴高。波靜羣鷗遠。散策不知疲。臨流亦忘返。月出林影昏。疎鐘閉山館。

秋夕懷雲松先生

夜永倦孤眠。竹涼宜小立。荒林獨鶴棲。破屋疎螢入。萬壑共秋聲。四山惟月色。清賞恨不同。晤言念茲夕。

藍澗草堂

橘井雲山北，茆齋澗水西。
聽猿秋樹近，捫虱夕陽低。
樵子知愚谷，田翁伴醉泥。
興來時得句，自向竹間題。

聞藍山兄寓滁州

番水初傳信，滁山想定居。
秋吟兼蟋蟀，晚飯得鱸魚。
落月滄江濶，涼風白髮疎。
兵戈關塞隔，不敢問何如。

登鳳林寺鐘樓作

樓憑青嶂迥，人到上方稀。
古寺愁春雨，疎鐘送落暉。
雲林孤跡遠，法界一塵微。
坐久松風動，飛花落客衣。

山中漫題

讀書期有用，閉戶耻無能。
落葉空山雨，疎鐘獨夜燈。
人稱樗里子，住近石門僧。
靜坐觀詩妙，須叅最上乘。

順昌道中

蓐食鳴雞曉，空山啼鳥春。
遠鐘何處寺，殘月獨

行人書劍嗟黃髮，江湖起戰塵。南遊未得意，北望正傷神。

送別趙子將

故人川上別，風雨送行舟。歲暮歌黃鵠，江清見白鷗。青雲懷楚璧，秋水佩吳鉤。看爾飛騰志，周南豈滯留。

雪中送舒文質歸廣信

積雪千峰迥，空林一鳥歸。客愁南浦樹，鄉夢北山薇。風雨荒茆屋，兵戈老布衣。飢寒兼盜賊，出

寸心違

寄雲松先生隱居

風雨論交舊，林塘卜築新。幽棲兼令弟，高卧愧時人。竹日明書帙，浮雲惹釣緡。林居無俗客，麋鹿自相親。

懷川晚立

清川繞縣衙，小立共汀沙。暝色催歸鳥，春愁對落花。江湖頻戀闕，風雨更思家。出處成何事，惟添兩鬢華。

宿蘇橋驛

桂嶺愁人地，梅花歲暮天。
孤雲寒雨外，獨鳥暝鐘前。
牢落空雙鬢，驅馳又一年。
觀風愧無補，爲客記山川。

柳城道中作

霜氣晚淒淒，荒岡恐路迷。
孤雲桂嶺北，落日柳城西。
地暖蛇虫出，林昏鳥雀棲。
蠻鄉經戰伐，問俗愧遺黎。

秋憶西山草堂

山接藍田近，泉分橘井清。
誅茆成小隱，鍊藥問長生。
一逕看松入，千峰共鶴行。
誰言江海上，歲晚戀虛名。

宿嚴灘作

水宿傍嚴灘，風燈語夜闌。
鼉鳴潮信早，龍過雨聲寒。
病喜江山好，貧嗟道路難。
故園三四口，書札報平安。

浮大江之廣西途中作

滌淡西門別，蒼茫廣海行。
微風孤櫂遠，落日大

江清雁帶還家夢雲留戀闕情悲歌一迴首出處念浮生

浮江望淮上作

萬古長江險秋風短櫂經天連一水白山入兩淮青把酒須明月乘槎豈使星雲霄望不極鴻鵠正冥冥

書懷酬孟原僉憲

一官辭殿陛萬里越江湖暝色青楓近秋聲白雁孤書題懷故舊藥裹愧妻孥王事兼詩興虛

稱二妙俱

采石舟中寄子正僉憲

共醉黃鱸酒還登采石舟澄江晴吐月獨樹曉生秋去國一身遠懷鄉半夜愁明朝陪使節一上岳陽樓

過太平州作

帶雨辭京口觀風出廣西江吞淮樹小城壓楚雲低湖冷三秋雁山寒半夜雞宦情兼旅思遠愧鹿門妻

觀音巖

石色依廬阜。潮音接普陀。江雲晴自遠。水月夜還多。鳥為銜花至。龍因問法過。瓣香瞻彷彿。帆影拂嗟峨。

恭城縣

十室黃茆邑。千峰紅葉村。喧卑蠻俗異。質朴古風存。雞犬連徭洞。牛羊到縣門。殘年歷荒徼。遙布聖明恩。

晚立懷友

野曠行人絕。林空墜葉聞。客愁當落日。詩思入寒雲。草暗防蛇毒。山昏過虎羣。梅花萬里道。歲晚正思君。

過雲洞嶺

路出千林迥。山連五嶺遙。石崖懸度棧。野樹卧通橋。澗飲猶防蠱。畚耕盡屬徭。夕陽驅瘦馬。鬣影漫瀟瀟。

溪橋晚立

天濶浮雲盡。山昏落日微。鳥棲當野樹。人語共

柴扉歲月且云暮鄉關何處歸隣家響機杼遠
客歎無衣

宿賀州黃家洞瑞巖寺清溪茆屋悠然有

故山之景

怪石分羣壑清溪共幾家衡門散雞犬古寺入
桑麻薄宦知無補浮生信有涯白鷗藍澗曲春
水遶桃花

旅寓

旅寓真如此空堂思悄然秋聲一葉下暝色

峰連涉世方知命清心已悟禪鏡中窺短髮蕭
颯感流年

夜雨

多病西風客空堂獨夜愁燈殘江上雨木落嶺
南秋黃卷知何用丹砂不易求君恩無補報悵
望惜淹留

贈隱者

風雲蛇陣將山水鹿門居報國曾留劍歸田始
讀書雁秋湖水落蟬露柳條疎別夢關山遠松

窗夜月虛

雨中

黯黯雲垂野，瀟瀟雨滿林。
晚山歸鳥盡，秋草閉門深。
落葉蕭條樹，空城斷續砧。
煩憂兼獨立，誰識此時心。

曉發江上

官舡催曉發，浦鳥聞驚飛。
殘月低清渚，疎鐘隔翠微。
晨光初辨樹，秋色已生衣。
萬里慚張翰，鱸魚未得歸。

柳城縣

青山入縣庭，小邑但荒城。
竹覆茆茨冷，江涵石壁清。
草虫當戶墜，水鳥上階行。
問俗知無事，松風一舸輕。

出雲藤驛

又出雲藤峽，扁舟更向東。
地蒸秋有瘴，江濶夜多風。
旅夢驚啼犬，鄉心託斷鴻。
天涯看月色，不與故園同。

宿陽朔山寺

晚景孤村僻松門試一登秋山黃葉雨古寺白
頭僧壞壁穿新竹空牀覆舊藤宦情與禪意寂
寞共寒燈

來賓縣曉發

宦遊同逆旅侵曉逐征途空館殘燈小長江落
月孤隣雞催去馬城柝起棲鳥物色兼人事勿
匆歲欲徂

柳州道中

窮荒持憲節侵曉策征驂落月千峰外清霜五

嶺南草寒初息瘴林曙欲浮嵐巡歷知無補艱
難頗自諳

過諸葛古城

諸葛舊屯兵東郊尚古城山餘駐馬跡江有卧
龍名怪石疑戈甲高雲想旆旌秋風吹大樹蕭
瑟獨含情

秋夕懷武夷舊業

客路西風晚懷山獨夜愁露寒仙掌月天遠幔
亭秋落葉他鄉夢啼鳥何處樓歸心似江水千

里向東流

江上別故人

天涯芳草色對酒惜餘春此日滄江別東風白
髮新落花晴傍馬殘鳥冷窺人勉矣持風紀驅
車莫厭頻

雨中同孟原僉憲登嘉魚亭

高閣流鶯外荒城駐馬前江寒三月雨春老百
蠻天折柳悲橫笛飛花落釣船乾坤總羈旅把
酒意茫然

又

城空花爛熳樓迥雨蕭條毒草春生瘴蠻江晚
上潮魚肥堪把釣鳳去不聞韶萬里雙持節恩
波賴聖朝

題聽雪舟卷

彤雲凍合山陰道老鶴虛舟夢瓊島天地無聲
夜寂寥短篷碎玉風蕭蕭月白江清墜楓葉寒
重不聞葦葭折明朝洗耳聽清流寫作江湖聽
雪舟

歷代詩選 明 藍明之 卷三十一
題子陵圖贈嚴伯新

高臺蒼蒼富春渚，老樹凝雲苔色古。
客星夜入紫微垣，羊裘暮釣滄江雨。
大賢隱德辭萬鐘，諸孫嘯傲江湖中。
干戈滿地歲將晏，展卷山水來清風。

同程芳遠遊東林寺

東岡石上松林青，偶與白雲來此行。
老僧下榻雨花散，古寺閉門秋草生。
八月風高萬籟雙，谿日落千山明。
歸去橋西一迴首，重林杳緲隔鐘聲。

鐘聲

寄張茂叔

黃岡處士舊知名，似爾文章老更成。
芸閣蠹魚當夜永，蘭苕翡翠共秋清。
滄江有酒延漁父，白髮無人薦馬卿。
春晏蓬萊消息近，斗南時有劔光橫。

遊東林寺

隔谿蘭若有雲住，背郭草堂無酒賒。
秋色琅玕亭外竹，天香簷蔔座中花。
千年龍象當山殿，八

歷代詩選 卷之三
月鱸魚上釣槎一二老僧皆舊識松根敲火試
新茶

挽盧憲副卒于海北

繡衣萬里接炎荒白髮中宵殞瘴鄉夢斷玉樓
江月冷魂飛銅柱海天長樓船歲晚迎歸櫬松
桂春陰閉草堂欲向滄浪歌楚些山空猿鶴易
悲傷

簡舊書有感

高閣藏書半不存數篇零落更堪論閉門風雨
梨花盡壞壁塵埃竹簡昏鳴鳳徒勞思盛世獲
麟何用紀空言文章漫爾疲心力陋巷如愚道
自尊

拜虛白塔

石逕松林入翠微門人卜此窆空衣流沙幾日
青雲度滄海千年白鶴歸山鬼夜驚丹氣吐洞
雷晴挾劍光飛久知生滅元無礙目斷鴿原下
夕暉

寄余員外從善

嫋嫋秋風江水波碧雲千里奈愁何空山落葉
黃昏雨深谷幽人白石歌舉目漸驚朋輩少論
心偏感別離多船來不得聞清便采采金花蒲
澗阿

病中作

茆屋黃花共寂寥病容詩思總無聊山童夜靜
分松火道士天寒送藥苗落木荒陂秋澹澹
雞空館雨瀟瀟仙家瑤草年年長弱水蓬萊
更遙

三島近月明烏鵲一枝寒斗南共識張華劍林
下空彈貢禹冠憶別滄江秋已晚黃花紅葉露
溥溥

次梁天與峻德郎中遊武夷韻

一夕仙橋架綵虹千年洞府闕神蹤清秋沆瀣
金人掌明月芙蓉玉女峰霧雨至今藏虎豹風
雷何日化魚龍山中尚有長生藥安得乘雲獻
九重

經郭先生平川舊居

皓首明時祗布衣。孤墳宿草又斜暉。塵埃几杖遺書盡。風雨園林舊業非。九曲月明猿白吊。三山秋晚鶴空歸。多情惟有門前水。春色年年上釣磯。

答海月大師貽詩問訊

柴門屢枉故人車。草澤元非隱者廬。方士許傳鴻寶訣。名山自讀馬遷書。十年兵甲皇威遠。二頃山田歲計疎。賴有忠良扶社稷。不勞音問到樵漁。

七月廿八夜同巢翁石父燕集玄都道院
是夕雷雨晝晦既夕星月爛然席上作
偶與高人讌武夷。天空山水漾清輝。金盤曉露蒲萄酒。玉女秋風薜荔衣。雷起石堂龍未蟄。蟾生滄海鶴初歸。瑤臺自有長生籙。莫歎尊前往事非。

和友人見寄

憂國長懷心悄悄。讀書空笑腹便便。西風秔稻雲連屋。秋水蒹葭月在船。黃葉閉門雙樹老。清

溪落日數峰連藍田丘壑題詩處喜有高人住
輞川

寓秦石村作

盤石香蘿一逕分野橋流水數家村人煙橘柚
寒連屋仙掌芙蓉晚對門屢辱故人留藥價空
煩漁父問桃源多情惟有西溪竹春雨年年長
子孫

寄野士弘壽南山二左司

久無書札問平安獨向雲霄望羽翰潮落魚龍

送霍拱辰歸建安

文星光彩動皇州博士曾同萬里遊曉日蓬萊
丹鳳闕西風苜蓿紫霞洲船經吳越千峰雨木
落瀟湘一雁秋兩地相思各迴首殘蟬衰草共
離憂

廬山詠懷古跡

匡廬山色枕寒流晉代衣冠尚古丘三徑清風
陶令宅九江明月庾公樓波吞故國魚龍晚草
沒荒城虎豹秋聞有東林僧舍近閒尋五老共

清遊

夜泊武昌城下

蒼山斜枕漢江流自古東南重上游
巫峽秋聲連戍角洞庭月色在漁舟
白雲黃鶴悠悠思落木啼鳥渺渺愁
獨夜悲歌形勝地燈前呼酒看吳鉤

吳山懷古

南渡山川王氣消西風松柏認前朝
紫宸無復千官宴滄海空餘半夜潮
龍去蓬萊曾駐輦鳳

歸寥廓不聞簫上方樓閣依稀在
暮雨疎鐘送寂寥

封陽驛

官船早發渡頭沙迴首東風日又斜
千里雲山橫桂嶺一江春水漲桃花
荒村雞犬臨欹听細雨鳧鷖傍釣槎
南望蒼梧煙樹晚鳳韶何處吊重華

宿開建江上懷閩中故人

東風嫋嫋泛鷗波倚棹汀洲近薜蘿
江上流鶯

疎雨歇。天涯芳草落花多。暮雲尚隔蒼梧野。秋興空懷白苧歌。離別不堪頻悵望。美人南國意如何。

呂仙

洞庭萬里連滄海。石室千年隱翠微。華表月明笙鶴下。蒼梧雲濕劍龍歸。城南老樹名空在。枕上黃梁夢已非。倦客遠尋勾漏洞。丹砂未就與心違。

梧州歸至龍門驛作寄諸同志

江轉龍門一櫂輕。歸心不爲杜鵑聲。斜風細雨催離別。剩水殘山管送迎。但使百蠻稱鎮靜。久知東海望澄清。碧雲日暮蒼梧遠。不盡懷人渺渺情。

寄衡山李中卿

謫仙歸去卧松窠。江上飛花送錦袍。細寫山川成史記。更吟蘭杜入離騷。洞庭萬里秋風落。衡岳千峰夜月高。欲託瑤琴寄相憶。海天清露鶴鳴臯。

入義寧山中

疎篁古木抱雲岑。野店山橋入桂林。青草江山
春瘴裏。落花風雨夜寒深。一官便擬歸田計。萬
里長懷戀闕心。却憶故人霄漢上。霜臺翠柏曉
森森。

懷西山草堂奉柬山中二兄

多年采藥問長生。野鶴孤雲入幔亭。夜雪梅花
虛室白。秋風竹簡古書青。祇今遠道生華髮。何
處空山長茯苓。喜有藍田雙壁在。每從南極望

不星

麻原歸隱圖爲程伯崇提學賦

清名奕世荷君恩。白髮他鄉卧掩門。故國江山
愁杜宇。孤村風雨憶麻原。紅泉釀酒分松腋。翠
石題詩雜蘚痕。歸去茆齋第三谷。玉田清露長
蘭蓀。

題蜀江雨霽圖

瞿塘雨過起春瀾。空翠樓臺杳藹間。萬里橋西
花似錦。暮雲依舊隔巫山。

江上對雨

北辭京國秋將晚。南望鄉關路轉遙。倦客長江對疎雨。荻花楓葉正瀟瀟。

春日草堂

水色山光澹澹清。池塘雨過草初生。東風茆屋春多少。喜聽流鶯第一聲。

癸丑元夕柳州見梅憶澤

忽見繁花亂客愁。東風寂寞古龍州。故園穉子無消息。坐對寒江月滿樓。

憶橘樹

橘樹新移近草堂。開軒時愛午陰涼。春來應是花如雪。吹落蘇耽井水香。

江上晚景

疎雨殘雲共晚風。長髯烏帽獨掀篷。江山絕似元暉畫。浦樹沙禽慘澹中。

折杜鵑花

對江松樹兩三家。背立東風數暝鴉。草綠故園歸未得。臨流愁見杜鵑花。

歷代詩選
陶淵明
懷山中

久別山中鷺鶴羣
清齋自禮武夷君
滄江明月扁舟夜
渾似松窗卧白雲

石倉十二代詩選
明詩卷之三十一終

石倉十二代詩選
明詩卷之三十二

南雅集

大明

長樂陳伯康著
後學曹學佺閱

陶淵明田居

吾慕陶徵君
拂衣輕去就
棲鳥戀舊林
歸雲忘出岫
巾車返柴荆
環堵植松柳
東臯課種苗
南山歌種荳
田父時過門
葛巾與漉酒
五斗愧折腰
浮名果何有

登三水釣鼇臺

歷代詩選
明東中集
卷三十二

憲

高哉釣鼉臺，桀立幾百尺。秋風一登臨，浩蕩望
不極。吾聞蘇老澗，乃是任公匹。投竿江海濱，長
嘯穹宇窄。古篆今莓苔，佳句餘金石。歲月驚逝
波，山川付陳跡。牧童暮敲火，樵子曉吹笛。杖藜
重夷猶，把酒緬疇昔。商歌振雲林，天空露華白。

讀史二首

周公躬吐哺，四海心歸仁。三叔乃流言，豈非骨
肉親。仁人視天下，萬物猶一身。不仁身奚有，况
復思第昆。棠棣興孔懷，鴟鴞念恩勤。聖人之所

爲口實徒亂真

趙高利少主，矯制誅扶蘇。一念誤國人，三說惑
李斯。望夷眩鹿馬，赤族誠天誅。吾聞金日蟬，出
身本降胡。霍光受遺詔，共負成王圖。大哉社稷
臣，戒之用小夫。

伯茂餞仲器歸萊山和韻

我居西山前，君居南山下。居止旣比隣，歡笑復
杯竿。雖無籍籍名，亦愧栖栖者。吾道多艱虞，造
物隨取舍。努力少壯時，青燈共良夜。

汴河隄

汴河隄隄何長隄中水枯隄草黃錦纜牙檣不
復返車輪馬跡東西忙忙處多人自辛苦過眼
繁華草頭露文梁猶是揚州門揚州不見瓊花
樹汴河隄長亭路千古光陰自朝暮

秋千辭

梨花庭院香飄滿架架秋千笑聲軟紅妝共鬪
青春妍長繩欲繫白日短掌中飛燕旋風斜樓
外綠珠墜落花素娥弄蟾奔竊藥秦女乘鸞初

去家半空著脚看亦好平地失身更顛倒人生
行樂貪少年昔時女伴今皆老慵來聽說摧眉
峰整頓衣裳爲歛容玉樽餘酒醉不得月明高
架粉牆空

社日

燕子來時二月天家家禱社楓林前香霧遶壇
散靈雨盃酒豚蹄候神語父老殷勤拜社公但
願今年年歲豐歲豐不但衣食飽官府租稅亦
易了了官之餘但力田秋報春祈得社錢

銅爵臺

鄴中高臺鑄銅爵。碧瓦朱甍照城郭。東風吹上
綠雲高。君王不愛宮中樂。年年遊幸朝復暮。夕
陽忽在西陵樹。舞影歌聲逐水流。芳草萋萋迷
輦路。總帷尊酒空淚頻。征西曩是英雄人。生前
已敢無天命。死後終知有鬼神。君不見關中魂
魄猶思沛。莫向西陵呼萬歲。

蘭亭

會稽內史多高情。山陰脩禊開蘭亭。晴暉絢綵
射藻井。茂林脩竹圍春屏。山椒引泉碧雲裏。羣
賢結佩臨清泚。羽觴隨波白日遲。蠶紙揮毫畢
能事。滔滔逝水隨東流。絕代衣冠成古丘。當時
絲竹輟遺響。千年草綠空山秋。華胄蟬聯天上
客。南鎮雄藩羅畫戟。揮麈傳杯坐賦詩。碧瓦朱
欄換陳迹。今之視昔後視今。今人亦復多古心。
人生富貴行樂矣。何用屈屈悲死生。

北邙行

洛陽城北北邙山。死者葬送生者還。人生任世

誰百年舊鬼翻爲新鬼憐高墳纍纍卧羊虎松
下便房竄狐鼠經年翁仲默有靈夜半遊魂哭
相語嗟爾遊魂聽我言不須涕淚收爾神洛陽
車馬日紛綸北邙得葬能幾人黃金白璧買歌
舞身後無錢置坏土王侯第宅多新主那得丘
山如子所君不見三閭大夫葬魚腹葬爾北邙
爾勿哭

明妃出塞圖

昭君生長昭君村漢宮選入昭陽門傾城自負
顏色好薄命不得承君恩朔風吹動羶車發萬
里遠嫁單于國香夢空迷紫塞雲蛾眉愁對穹
廬月關山阻隔歸無緣含情掩抑鳴哀弦虎頭
將軍骨已朽獨餘青塚留千年

鴻門宴

鮑魚吹腥秦失鹿大蛇中斷神媪哭函谷泥丸
一旦開軹道降人帝車覆江東子弟空八千入
關有約如王言三章約法慰父老鴻門一宴聊
殷勤項莊酒酣拔劍舞屠狗壯士怒裂背腰間

寶玦空三回。君王不忍徒爲爾。夜游霸上杯不
勝。幾踏虎尾行春水。孰知大運終四伯。事有天
定非人能。咸陽宮殿火三月。玉斗無聲楚歌歇。
霸業蕭條王業成。楚漢興亡兩分轍。

桃膠香鬟歌

深閨美人春睡起。側倚銀臺注秋水。鬢鬆兩鬢
霧半垂。欲下犀梳不能理。春雲暖雨桃膠香。調
蘭抹麝試新妝。豈無膏沐汚顏色。思此佳人日
斷腸。君不見望仙結綺螺千斛。隋家但寫雙蛾

綠白髮宮人奈老何。轉頭依舊庭花曲。

秋江送別圖

江河望在眼。關山渺難越。客子遲歸期。孤權已
先發。天秋木葉丹。露夕芳草歇。美人勞我思。迢
迢煙水濶。

贈洛陽鄧知縣械之京

聞說洛陽令。三年政已成。循良今漢吏。風俗古
周城。驛馬雲山迥。官船雪水清。朝回去紫闕。父
老定相迎。

寄邠縣喻知縣以貴

寄語邠州長何時過洛中相看兩舍許不得一
尊同客思瞻秋月鄉書遲早鴻覃懷臨別處每
憾太匆匆

寄遜齋陳景明兼柬東園陳景獻

若家古清友携共阿戎遊遠道隔千里別懷長
九秋故交如夢覺往事若雲浮最憶東園老相
思成白頭

奉和伯弘宗兄韻

喜共江山住相邀不遣童栖遜浮世事寂莫古
人風步履幽亭上吟詩高閣中濁醪時慰意豈
必學陶公

泚溪橋美林郎中德齋先生

牛角山鳴泚溪路溪水冬寒不可渡北風幾見
沙揚塵日夜奔流海東注美人畫錦歸故鄉飛
梁壓水高行步鄭國公孫陋乘輿蜀中司馬看
題柱

阮山寺

阮郎舊隱青山裏。故宅如今是佛家。似有天人
散花雨。若溪女飯胡麻。南湖秀色明春樹。西
嶼晴光賸晚霞。老衲每談因果事。紅塵滄海使
人嗟。
表姪羅師尚辟四川掾。
捷音指日定成都。坐見降王屬傳車。子去驚傳
三語掾。人來喜得萬金書。馬嘶古棧秋風晚。舟
次瞿塘夜雪初。若到昇仙駐吟轡。不教題柱愧
相如。

遊湧泉寺訪僧不值

萬石岡頭紫翠圍。白雲杯水護柴扉。石爐火冷
僧初定。野徑苔荒客到稀。遶砌山泉浮漱澗。隔
江雲樹入霏微。我來豈是參禪者。笑倚長松看
鶴飛。

遊神光寺登道山亭讀曾南豐先生撰碑

不見神光解吐虹。滿亭苔蘚舊遊空。職方諸貢
歸王會。賢守遺碑見土風。城郭尚存人物異。江
山如故古今同。欲將往事增惆悵。望斷煙波沒

去鴻

歌風臺

高臺秋日草荒涼故老猶能說漢皇歌罷三侯
悲擊筑身居萬乘更思鄉長陵魂魄風雲往原
廟丹青歲月長往事徒勞增感慨寒城幾度立
斜陽

月夜江上聞簫

西江短棹倚江干卧聽樓頭玉琯殘歌斷吳門
人罷市珮空秦館客憑欄魚龍擾擾秋潮落鸞

鳳雙雙夜月寒聽徹古今無限恨高陽且付酒
杯乾

靈峰寺

海上神山十二奇高僧卓錫話當時樓臺近映
黃姑水香火猶存白馬祠山逕嵐開松檜老石
林風暖荔枝垂野夫未解真如性方外交慚惠
遠師

次鍾雨十兄韻

坐穩臯比身懶動滿庭春雨長苔衣苦吟不信

詩能瘦戰勝方知道解肥春釘滿盤堆苜蓿硯
池香水貯薔薇疎慵自乏當時望不是孤高與
俗違

寄淇縣胡知縣原長

悠悠淇水沫之鄉無復詩人賦采唐多士已譚
周禮樂郎官應選漢循良花栽春雨文書靜竹
送薰風枕簟涼相望宜陽渾咫尺夷門把別意
何長

遊西湖登寶來塔過湖山一覽禪房

層層金碧聳煙霞俯瞰樓臺十萬家落日僧餘
化城飯頻年客喚趙州茶春隄楊柳看泥絮秋
水芙蓉勝雨花笑我鳳皇臺土客也來趺坐聽
楞伽

過嘉興嘉禾驛

秀州城下水平河桑繞長隄麥覆坡義士不聞
傳檣李居人猶見食嘉禾且須鸚鵡杯中物莫
逐鴛鴦湖上波一笑吳歛掛颿去滿天風雪奈
儂何

明陳仲進
過富春

好山猶記富春名，碧嶂清波滿縣城。
越樹遙連漁浦暝，浙江低入海門平。
客星寂莫千年事，仙權夷猶此日情。
試問吳儂學吳語，湧金門外好聽鶯。

古戰場

此地曾經戰幾塵，離離荒草不生春。
平沙日落黃雲斷，烽火如星出近人。

立夏喜晴

剝雨殘春送五更，晴光入夏似相迎。
綠槐門巷南薰細，又聽新蟬第一聲。

重過草亭

池上柳枝新種得，絲絲金縷曳春暉。
樂天老去風流減，懶看飛花上舞衣。

過洛陽

甲馬營中紫氣消，銅駝巷陌草蕭蕭。
何人共看天津月，杜宇無聲夜寂寥。

過淮北

長淮岍北駐征驂。山色回看淨若藍。爲問故鄉何處是。三千里外隔江南。

餞中書寫誥趙彥珍

奉天錦誥出黃麻。五色晴雲綉紫霞。綵筆承恩香染處。掖垣初日上葵花。

送代北鎮撫沈將軍

代北山南十八州。雁門關頂四時秋。沈郎帶眼潭依舊。領得千軍紫塞遊。

附陳仲完詩

仲進公從弟諱完以字行有簡齋集

題畫

久憶故人情。茲焉發幽興。抱琴渡危橋。望入藤蘿徑。溪雨倏已晴。雲收千嶂淨。喬木生晚涼。松濤滿清聽。之子不我逢。隔離雞犬靜。

題山水

危峰倚白雲。秀氣橫青秋。俯見岷蜀晚。仰觀河漢不。朝日海上出。蒼然藹林丘。陽暉散金碧。陰壑晴光浮。中有殫霞客。母乃仙侶儔。我欲一見之。道遠從無由。安得同心人。携手窮冥搜。

湖山佳趣圖

微雨息市氛晴光溢水木暫輟童冠書少豁林
泉日峩哉南北峰影凌西湖綠嶺外號長松霞
邊起孤鶩荷香隱綵舟鳥鳴迓絲竹興竝坡老
遊吟步逋仙躅落日度寒鐘悠然自天竺

送虞大令之廣濟

六月暑氣盛炎雲朝夕生居家苦蒸鬱况有千
里行疇昔在家林子時方秀發相去二十年老
我之華髮子行固不遙宰邑蘄陽間蘄民待新

政稱治良獨難乃祖舊龔黃賢孫今卓魯昭哉
循吏傳視今猶視古

送方教授之樵城

飛雪迷川陸寒飈鳴樹顛連鑣出白下送子歸
樵川憶昨東觀遊同心復同調窮窺秘閣書載
發金門笑大典時云畢對酒成別離孤舟日東
逝後會竟何時君採泮水芹我弄玉堂月曷以
攄所懷鱗鴻未應輟

與陳司訓桃林之會

南飈掃朝雲。大日鳴穹昊。宗盟列玳筵。入我城東道。偉茲汗漫期。况是同鄉好。林深酒氣香。葉密蟬聲噪。暫陪簪紱遊。恍若蓬萊到。何當駐綫陽。爲君倒懷抱。

愛日堂爲秋官李主事作

冬日旣苦短。夏日孰云長。流光逐逝波。嶮巖倏扶桑。眷言堂上人。秋髮雙垂素。志養期無違。豈在羅三釜。盼彼反哺鳥。啞啞鳴樹顛。微物尚有情。子職寧或愆。親壽逮耆願。載喜還載懼。去日不可追。來日何由駐。安得留陽戈。爲我延夕暉。誓將日爲歲。庶以伸吾私。

溪田過雨圖

時雨忽已徧。羣山朝來晴。溪田漲新綠。溝澮悉皆盈。倦茲天氣暄。布穀聲嚶嚶。龜勉事東作。孰計勞其形。浩浩谷口颺。猗猗丈人情。竭來應徵辟。遠入嵩陽城。寫圖想舊業。千里雲煙橫。

賦得空江秋笛贈鄭浮丘助教

大江白露下。秋氣橫中流。翛然一笛響。遠自江

上舟洲前向晚霽涼雨三弄分明作人語思逐
飛鴻海際來聲隨白鳥雲邊去須臾引羽轉清
商蘆葉撼撼蒹葭黃鶯迴少婦孤篷夢攪斷羈
人萬里腸駐宮又復變流徵銀河澹澹天如洗
猿鶴秋吟絕島雲蛟龍夜吼寒潭水祇今誰識
桓伊心悠悠人世無知音曲終徙倚重回首落
月蒼茫煙靄深

石城釣隱

野客隱雲林幽溪遶石城時垂嚴瀨釣絕似渭
川情月冷舷逾響天高笛倍清滄浪如可濯予
亦解長纓

題凝清軒

凝清新搗扁軒舍倚雲開爽氣西山入涼颺北
牖來晝間泉在沼琴靜月當梅允矣丘中賞符
茲物外遊

嵩陽詠羅寺晚鐘

諸品上方夕微鐘出瑤嶺聲隨孤鳥空梵逐羣
機泯時有獨歸僧月明步蘿逕

葛村夕照
崎嶇葛村路路小行人稀閒門帶晚照獨樹留
餘暉何處笛聲起牛羊迤邐歸

錢唐懷古

邊塵捲地北風遙信馬南來駐六橋汴水故宮
空有月海門沙激寂無潮銅駝夜泣霜華冷銀
雁秋飛王氣消五國城頭魂不返傷心誰賦楚

詞招

蒲執玉先生植蘭軒

幽軒小構倚雲林植得倚蘭愜賞心九畹餘馨
留古佩半簾殘露襲寒襟夢回香氣連書幌坐
久清輝入夜琴與子也知同臭味何妨楚澤共
行吟

穎上感懷呈王安中陳叔諒陳敬脩暨在

泮諸友

遙辭紫禁出都門索莫窮居穎上村鄉國音書
何日到詞林朋舊幾人存夕陽遠水連寒雁落
月疎鐘呌夜猿自歎浮蹤如斷梗不須惆悵暗

清魂

送文玉姪來青亭

若人棲隱構來青，門外諸山儼畫屏。白日長懸
徐穉榻，清風如造子雲亭。松杉雨後雲連壑，楊
柳春前水滿汀。只恐鶴書天上至，草堂從此負
山靈。

送族孫格還鄉

拜辭膝下思棲迷，望入閩關是故溪。莫忘白門
分手處，綠楊殘照乳鶯啼。

附陳思孝詩

諱登，仲進公之長子也。有石田集。

賜元夕觀燈

鼇聳三神秀，巍巍鳳閣前。四時調玉燭，萬斛吐
金蓮。寶樹祥光燄，璇穹璧月圓。九重臨黼辰，百
辟侍瓊筵。桃熟來王母，雲開擁列仙。宸章飛琰
翰，犬樂奏鈞天。瑞氣浮雙觀，歡聲動八埏。戲呈
農社樂，詩頌帝京篇。願効封人祝，皇圖億萬年。

應制賦白象

聖王臨天位，仁恩被八荒。明時呈異質，瑞氣感

瑶光貢獻辭炎服。梯航入帝鄉。色聯螭陛瑩。清
比玉麟祥。漢室誇丹鳳。周家詫白狼。方今昭至
德。遠物自來王。願効封人祝。華夷永樂康。

送陳教諭廷傑還湖口

湓江敷教雨。京國重吹嘘。共載詞林筆。新成大
典書。賜金分內帑。置酒駐行車。惆悵都門別。那
堪迫歲除。

題浙津歸權卷

鄉園何契濶。客路重綢繆。暑雨三橋月。涼風孤

館秋。離筵燕市酒。歸櫂浙津舟。明到雕陽郡。題

詩慰別愁。

送朱文崗還朔州

都門秋欲盡。雨雪已霏霏。顧我同爲客。憐君未
授衣。計程還朔漠。歸思繞庭闈。別去重回首。長
空一雁飛。

寄二甥

不見吾甥久。相思欲斷腸。龍龕曾聽雨。雁塔憶
傳觴。白水心常在。青瑣業豈荒。他年看宅相。不

左傳詩選

獨魏元陽

送高廷禮應薦之京

首石峰南祖帳開山花隄柳送離杯百壺酒盡
青驪遠五綱風來彩鷁催楚國舊傳徐穉隱漢
廷今重賈生才新詩不待函題寄乘輿同吟到
鳳臺

送陶仲鈞還長樂

文園多病歎相如栗里何人問索居長樂稻田
餘舊業毗陵瓜地復新鋤看花况是春風後歸

棹偏逢夜月初何事都門又成別臨岐無語獨
躊躇

送林邦楚秀才以書成還吳航予將北上

鳳臺臘盡曉霜微芳草新年染客衣我逐離聲
隨北上君將行色賦東歸吳門斗酒聞鶯醉嚴
瀨孤帆背雁飛若到閩中誇盛事相逢休道故
人稀

題蘭溪鄭仲循廬隱卷

東郭高人結草廬不嫌紛雜市廛居宅邊種得

陸代詩選

月東思孝

卷三十二

七

先生柳戶外時廻長者車半榻琴樽聊爾爾一
庭風月自如如日來曉起渾無事課得兒孫讀
舊書

夢徐道行

廿八人中最白眉相逢每恨識君遲虚心猶抱
霜臺節直道因懷國士知東角趨朝同獻納西
清退食自委蛇年來不道交游少爾獨頻頻人
夢思

隱居

龐君居鹿門鄭子耕谷口西山蕨正肥此樂君
知否

溪居

綠水映柴門青山繞環堵機心久已忘白鷗是
吾侶

客居

星霜兩鬢皤迢遞關河阻孤館動歸思芭蕉滴
秋雨

舟居

蓬代詩選

明東息年

卷三十二

三

歷代詩選 明陳思孝

生涯一葉舟五湖煙水濶扣舷歌滄浪波光漾
秋月

長驅桑乾源破敵飛狐口萬里煙塵清月明擎
刁斗

欲妝臨鏡慵畏見朱顏老無語下瑤階所思在
遠道

送呂城壩官還舊治

秦淮臨別處月落早潮平離思如潮水相隨到

呂城

題黃典籍東州野堂圖

東州州上野堂幽卷幔湖山翠欲流京國到來
鄉思遠白雲黃葉夢中秋

寄前山陳孔階

每憶相邀共嘯吟白雲生處老松陰寧知別後
相思意漢水東流日夜深

送陳繼初赴京

歷代詩選 月東思孝 卷三十二

五

歷代詩選 明陳思孝 卷三
憶陪大阮竹林遊興入西湖上小舟今日白門
分手處隨君清夢滿滄洲

寄靈峰無垢上人

生公說法闡師宗色相從前隔幾重遙想龍龕
纔出定又還飛錫下靈峰

送晦堂禪師還柏山

龍河花下送師歸吳楚千峰一錫飛到日親朋
如借問鄉心迢遞宦情微

題林洞虛碧蘿猿洞處

九峰溪上鬱嵯峨洞口陰陰長薜蘿聞道仙成
猿亦去石牀丹竈碧苔多

送池景大之淳安訓導

酒盡都門惜解携客中送客意凄凄明朝疋馬
巖陵道無那青山杜宇啼

竹枝詞

別郎春盡似經年暗擲金釵當卜錢分明說在
吳江上知是江頭若箇船

送謝秀才南歸

雪霽秦淮野水生客中無奈別同聲
離心也似雲邊雁隨爾南歸向粵城

附陳思濟詩

諱航仲進公次子也
有溪山集

題商山四皓

引領盼層巔遙見四老人蒼顏映綠水
一一嚴衣巾望之即再拜重其古先民
或云黃與綺于此避強秦至德尚可想
遐蹤浩無隣翩然若儀鳳覽德翔秋旻
亡國失大老興邦得祥麟威容動黼辰
問答何精神明兩有餘慶偏愛遂淪淪

至今仰遺烈英氣猶振振

題嚴子陵

飲盡桐江水采徧富春山不羨波底魚
難垂手中竿耕鑿有真樂衡茆無苦顏
一朝遇物色千里涉河關下車竟不屈
特立人所難遂令天下士千秋仰遐觀

虎溪三笑

遠公禪門秀宴坐東林裏絕迹避喧囂
不度虎溪水抑且偶忘形相邀過清泚
忽聞於菟聲大

笑不能已元亮幘欲欹脩靜冠將委丰采動林
巒聲音响涯涘逸韻當時稱高風後人紀載瞻
撫斯圖詠歌仍仰止

古錦詞

妾有一匹錦欲作春風衣珍重不肯着十載藏
光輝時時自拂拭彩色生羅幃不繡閒花草只
作雙鴛飛天寒針線冷誰念妾心違

塞下曲

長城連大漠紫塞控邊陲千騎黑弮軍落日曛

門裏不戰氣偏驕角逐心更喜嘗聞衛霍功得
遇風塵起如今息功利令人愁欲死

結交行

古人結交重相許勿頸捐生後人慕傾心瀝膽
過弟兄意氣昂藏誰敢顧一朝勢去事稍移外
貌未變心已離臨危忽作安身計前時相許成
相欺君不見張耳陳餘最相愛印綬畢竟何人

佩

春風顛歌

卷之三

明東月二齊

三

平生不信春風顛。日日買醉春風前。今朝始信春風惡。桃花作雨柳飄綿。衝狂擊盪上復下。澎湃奔騰如怒馬。恍疑威動四極。隱又若氣振長平瓦。遊人郊外意頗愁。巨觥起浪難獻酬。不如挈榼且歸去。呼童載酒登南樓。

賦得石上草

石上草何營營。團團翠碧沿峴生。年年雨露滋不長。歲旱乾枯應復萌。根托紫泥裏。葉吐白雲橫。恍疑九節長生餌。又若芝朮搖金莖。老夫不

可結樵子。難爲薪。豈是天公愛靈物。護此石上

千年春。

丙戌金陵作

金陵大道平如砥。翠瓦雕甍相對起。甲第縱橫盡王家。金鞭絡繹多戚里。王家戚里遙相連。平隄走馬去朝天。騎簇通衢看似繡。香連內苑色凝煙。煙連騎簇真堪玩。倏忽朝回更蕭散。五侯賓從集如雲。四夷門館多迎款。須臾教樂從天來。齊歌趙舞皆柔諧。愧我儒生眼未識。日逐羸

馬隨飛埃飛埃撲人心草草風光只在長安道
故鄉回首白雲遙歸去南山且終老

大溪山

大溪昔日風光好十家五家同一保雞犬相聞
達曙喧曉鐘遞擊無昏早山人居山只食山種
得稻梁心亦閒取柴斫竹白雲裏築垣分泉綠
樹間山人于此自云樂飽食安眠甘澹薄里胥
無復夜驚呼足跡都忘到城郭梵宮禪伯亦風
流輒與文人相唱酬僧堂懶作六時禮客

能幾日留吁嗟此事猶眼見倏忽光陰去如箭
至今惟有三家村出入豺狼心膽戰相逢路上
多含哀辛苦如何說得來只將筋力付流水空
把形容同死灰

龍龕禪寺追和王高二太史題壁詩

海上靈山孕神秀萬木蒼蒼碧雲溜山頭霽色
襯朝霞樹裏嵐光宜晚照塵囂迥隔絕纖埃金
仙之宅如蓬萊神房半自花間出定室多從松
下開勝槩岩巖真絕境日極神馳與俱永飛巖

踏。上。聽。天。鷄。疊。嘯。攢。雲。愁。半。嶺。終。南。太。華。休。爭。
奇。其。中。佳。趣。人。不。知。岩。扉。靜。掩。薜。蘿。月。法。水。光。
涵。祇。樹。枝。不。用。傷。心。怨。遲。暮。且。須。載。酒。隨。玄。度。
玉。堂。詞。客。解。長。歌。揮。灑。何。須。便。歸。去。自。笑。狂。吟。
非。等。倫。麗。句。從。來。貴。有。隣。他。年。詔。許。還。山。日。結。
社。應。須。訪。舊。人。

題山水扇面

林。下。春。風。來。千。年。翠。如。璧。雲。擁。羣。木。深。溪。迴。百。
川。寂。中。有。幽。人。居。清。朝。此。投。迹。邈。迤。得。良。朋。於。

為咏嘉客

感興

灼。灼。道。傍。花。依。依。隄。上。柳。榮。華。耀。一。時。誰。人。不。
回。首。顏。色。信。可。憐。春。風。不。長。久。有。酒。且。自。斟。母。
為。歎。衰。朽。

後出塞

荷。戈。出。門。去。親。戚。送。我。行。各。携。一。杯。酒。相。勸。事。
長。征。虜。馬。飲。河。朔。胡。塵。暗。東。京。努。力。報。奇。策。一。
掃。攬。槍。平。

竹寺春耕

清溪深且廣，遊鱗無曝腮。洋洋各自適，既去仍復來。緬被垂釣翁，終日坐蒼苔。安知投緝意，不與古人偕。

玉溪晚釣

西山宜落日，乃在桑榆間。泛泛彩霞動，啞啞飛鳥還。倒影麗穹漢，餘暉徧岩巒。安得曾陽戈，揮之起頽顏。

山中作

空谷何曾出，深林但隱栖。采樵探古穴，把釣傍清溪。雲氣侵衣重，山容入戶低。只緣忘世事，不是慕夷齊。

山庄訪友

隔水問柴荆，行行認犬聲。野花當戶發，谷鳥傍人鳴。地癖堪招隱，朋來暫輟耕。惟應三徑裏，斗酒話平生。

秋興

龍龕高聳出煙霞，御國低徊接海涯。淺草牛羊

隨處放深林猿鶴自成家。江潮洶湧朝仍暮。沙
逕逶迤曲又斜。年少此遊今白髮。倚筇無奈數
歸鴉。

再東帶湖主人

休文何事減腰圍。每日高樓坐不歸。愛客真如
忘寢食。對人渾若不勝衣。凭欄細數桃花落。卷
幔閒看越鳥飛。似此清幽猶恨少。溪移釣艇傍
苔磯。

江村卽事

平蕪縹緲浩無煙。禾黍高低徧野田。媪婦携筐
遵小徑。農夫荷鍤覘荒泉。場坡瓜熟風當戶。滄
海漁歸月在船。更喜清時無寇警。長江迤邐得
安眠。

和贊善叔父尊韻

千里懷人念故鄉。應多感慨遇重陽。殷勤盡在
詩編裏。目極南天憶雁行。

山水圖

數里平沙接遠村。千重喬木蔭柴門。可人最是

滄洲晚潮落依稀見水痕

獨采四西人景景

送山水圖

送山水圖

送山水圖

清風爽日過西

清風爽日過西

清風爽日過西

十里對人空

十里對人空

十里對人空

文味費善味

文味費善味

文味費善味

文如

文如

文如

如

如

如

如

如

如

平蕪

平蕪

平蕪

石倉十二代詩選

明詩卷之三十三

蒙菴集

蒙菴集

大明

長樂陳 仝著

送叔韜兄歸長樂

攜手出都門。悵然千里心。悠悠河橋上。送子歸故林。維時初夏交。天宇無氛侵。川原翳衆綠。灌木澄幽陰。滄波渺離思。黃鳥鳴好音。撫景易爲感。念別亘冲襟。亦有盈樽酒。對之不能斟。我家南山下。白雲澹遙岑。別來幾何時。歲月忽已深。

歷代詩選 明陳果之
誓將隨爾歸焉得辭華簪遙持一書札因之南
飛禽


送林遵性之趙州高邑

先生本章縫卓犖不世見胸中三百篇了了手
長傳手持天人書欲獻明光殿何意領微官飄
然出畿甸別來幾何時鬢髮各已變徒有白下
尊留君不成宴北上風土寒茲行慎霜霰予愧
在詞垣知君不能薦

周鍊師九峰書隱

九峰碧嶙峋清暉亘墟落上有仙人居梯巖架
樓閣吾師紫霞客鍊形臥丹壑樵采幾春秋心
與雲無著朝拾澗底薪暮煮爐中藥有時釋斧
柯長歌振寥廓都無朝市喧而多山水樂愧我
絳華簪不得隨鸞鶴何日賦歸來投身永棲托
金題樊可久滄浪秋興

滄浪有遺逸興與滄浪深恬然萬慮遣曠矣諧
遠尋澄江輕舟移秋水清人心機忘趣自適魚
鳥隨浮沉蕭蕭蘆葦鳴悠悠鴻雁音所願得其



樂時復彈吾琴。浦口見新月。扣舷發長吟。回橈
泊孤嶼。餘聲澄碧林。

南徐霽景送章先生歸紹興

金陵際南徐。縱我千里目。吳會連百城。丹陽曠
平陸。蒼茫散曙霞。滉漾耀晴旭。北國遠逾青。練
湖澄更綠。微風引輕帆。長天澹孤鶩。側聞京口
鐘。復聽陽關曲。歸興滿山陰。令人想芳躅。

題衛之弟雲松軒

夢寐登匡廬。松徑日已曛。白雲澹巾舄。紫氣恆

氤氳。芙蓉鏡中落。瀑流天上聞。依微見嵐嶺。杳
靄仙源分。猿飯寒澗下。鹿行清溪濱。陽巖散霞
彩。陰洞滋篔簹。忽值謫仙人。石床酒微醺。翩然
向予笑。遺以漆書文。自愧非道流。何能離垢氛。
覺來玉堂空。槐月涼紛紛。吾弟獨騫舉。倏然臥
松雲。孤閒林壑姿。偃蹇鸞鶴羣。何時會連枝。與
爾同清芬。

解珎奇秋江晚釣

澄江澹夕波。危峰逗煙景。孤坐一竿秋。微風鬢

歷代詩選 明陳果之
三
絲冷釣國非所任，濯纓趣方領。長嘯山月高，蒼
茫楚天迥。

張彥炳福泉書舍

結宇近山麓，而無塵事侵。鈎簾浥空翠，白雲生
遠林。牙籤清晝永，燈火閒堂深。泉聲雜春誦，野
趣共朝吟。陽崖瀉飛瀑，泠泠入孤琴。地偏見馴
鹿，樹密宥幽禽。悟茲靜中境，契彼塵外心。念子
金閨彥，妙齡尚華簪。別來故園夢，夜夜南山岑。

送陳履中大常

祖席金陵春，買棹秦淮曉。故國天外遙，片帆望
中小。白雲澹遠岑，煙樹帶歸鳥。長嘯歌考槃，微
風度林杪。

臨清軒

結宇臨迴溪，溪水綠且深。晶明漾天鏡，洞徹清
人心。寒潭逗雲影，遠樹澄夕陰。房櫳襲餘潤，爽
氣凝冲襟。境靜意自適，魚鳥隨浮沉。時將冰絃
理，或和滄浪吟。於焉得所樂，聊用忘華簪。

挽蘇伯厚先生

寒暑有代謝，節序易蹉跎。夫子乘運化，悽愴將奈何。生存簪組榮，死沒歸山河。向來歡娛人，零落亦已多。西日不返照，逝川無停波。惝惚魂若存，感慨成悲歌。

送陳積中歸省

攜手出都門，送子歸故山。故山渺何許，白雲蔽層巒。所念定省曠，豈傷道理艱。歸興自飄逸，離懷徒慨嘆。南風吹行舟，去去不可攀。晨發伍子祠，夕憇嚴陵灘。松陽鬱喬木，陰陰翳柴關。登堂

展嘉慶喜，遂庭闈歡。而我別慈侍，三載何當還。感茲五情熱，惻愴摧肺肝。因聲寄天末，佇望南歸翰。

柔林書室

結宇柔林間，垂屏絕紛擾。地偏見馴鹿，春至鳴好鳥。橫琴露氣繁，捲幔煙光曉。有時聞吾伊，琅琅度林杪。其當謝清輝，振翮青雲表。

題送陳希道歸玉融二首

祖席金陵秋，解纜秦淮曉。故國天外遙，片帆望

中小惆悵未能歸。雲濤空浩渺。天右秦淮棹。別
浮雲本無心。飄揚隨所適。朝出鵠原陰。暮歸雁
峰夕。感物傷我懷。離情豈終極。雲右閩嶠孤。雲

送林漢遠南歸

晨興出都門。駕言送之子。離思亘冲襟。滄波渺
千里。非無葵藿心。蹙爾問素梓。祖席白下亭。買
權秦淮涖。疾風吹征帆。倏忽聞江水。丘隴思彌
深。雲樹情曷已。佇立空踟躕。因之歌陟岵。

題羅汝文山水

飛夢凌匡廬。皓髮五老峰。長天散氛翳。削水金
芙蓉。林谷轉森邃。溪廻路彌通。澄江波澹澹。霽
日花濛濛。陰澗長瑤草。陽崖明藥叢。樓臺霄漢
上。雞犬雲蘿中。杳靄逢羽人。秀眉顏貌紅。授我
寶丹訣。相期躡仙蹤。覺來玉堂迥。彷彿聞疎鐘。
披圖起遐想。逸趣諧心胸。丹梯如可攀。共汝巢
雲松。

送陳從器歸長樂

置酒新亭上。親賓儼成行。蘭肴雜肥鮮。綺席羅

歷代詩選
瓊漿願茲繼。綵情樂飲各盡觴。中筵忽無歡。援
琴撫清商。絲桐易爲感。離思攬我腸。念子連枝
別。荏苒逾十霜。豈不眷友愛。嘉會安可常。驪歌
首前途。僕御促行裝。故鄉渺何許。路繞川原長。
翹首闢山雲。惻然五內傷。願爲晨風翼。送子東

南翔

送熊給事尊甫歸江石

祖席白下亭。買權秦淮浦。人分梧葉秋。恨帶芭
蕉雨。長風吹片帆。倏忽邈何許。矯首隔雲山。望

望空延佇

林伯璚湖山書室

結廬依湖山。而無塵迹侵。端居事佔俾。水木澹
冲襟。鈎簾挹空翠。白雲迷遠林。地偏見馴鹿。樹
密聞幽禽。牙籤清晝永。燈火開堂深。微風動虛
幌。明月生素琴。悟茲靜中趣。契彼塵外心。矧茲
游龍門。行當膺華簪。別來故園夢。夜夜湖山岑。
題胡宗器山水

丹壑凌翠微。上與仙源通。垂蘿翳雲日。湛露滋

藥叢結宇臨廻溪清暉隱房隴永日對紋楸無
乃柯山翁披圖起遐想逸思諧心胸

陳景茂榕山書室來詩
結宇依榕峰垂帷謝紛擾嵐翠落階除書聲度
林杪橫琴碧嶂秋草聖墨池曉期當謝清暉振
翻青雲表
揚於上金臺日暮過彭城川原曠何許雉堞何
嶒嶒英雄久寂寞山水空含情憑高欲訪古乘

且宵征
山水小景爲銓曹周宋武作二首
散帙落空翠鈎簾見嵐嶺石徑翳苔花天窗逗
雲影孤琴如有期興入煙蘿頂
花溪過殘雨青嶂多白雲林亭透水木清暉長
在君惟應采真者相期投鶴羣

題林士悅所藏張師夔爲古木上人畫
川岳蘊奇秀組宇依白雲寥寥靈境靜佳氣恆
氤氳垂蘿翳古木石磴滋苔紋真僧此巖棲冥

歷代詩選 卷三十三
心離垢氛。花雨林外落。空香天上聞。蹇驢者誰
子。無乃陶徵君。相期結蓮社。翛然鸞鶴羣。披圖
發遐想。泚筆揚清芬。

送游鍊師月窗歸九峰

九峰羽人浮丘客。霞珮雲裾帝城陌。相逢共喜
故鄉人。況是他鄉轉相得。一從鍊鼎栖碧山。餐
松啖栢返童顏。垂蘿絕磴人希到。流水浮雲心
自閒。芝房宴坐移朝夕。曲几焚香守玄默。半榻
松風入幔寒。一簾蘿月當窗白。有時振翮青雲

表俯視浮生事。紛擾洞裏那知歲月深。壺中孰
謂乾坤小。昨承明詔覲九重。羽流駢集如雲從。
玄經坐演神樂觀。靈壇跪跪啓朝天宮。聖明孝感
通天地。遂遣真仙發靈秘。青鸞白鶴互呈祥。甘
露醴泉同獻瑞。瑞物由來出睿衷。道流咸沐渥
恩濃。瓊漿夜飲天厨酒。雲珮朝辭長樂鐘。茲晨
別我歸山去。鶴擎翩翩駕仙馭。潭水津頭若箇
峰。青童笑引雲深處。君登仙籍隔塵寰。我愧金
門羈一官。他年若遂歸來願。亦欲從師問大還。

送叔子歸長樂

風急斷鴻飛。天空曉霜白。何處獨關情。都門送
行客。行客歸鄉情最多。他鄉送客情如何。離筵
不醉白下酒。臨岐忍聽驪駒歌。昔子寧親上京
國。年少聲華已籍籍。逸足長期霄漢高。綵衣且
覲庭闈側。故園一別幾經年。尚書丘隴孤村邊。
一坏黃壤生秋草。百尺高梧落晚煙。子今拜掃
歸鄉曲。鬢別嚴君泪盈掬。積雪浮空晚泊舟。野
梅村店寒投宿。我家遙在海東隅。堂下紅萱日
漸疎。到家兄弟如相問。爲道平安好寄書。

送繼初歸長樂

東風吹綠秦淮柳。吳姬新壓槽頭酒。鳳凰臺下
勸離觴。朝唱驪駒暮分手。昔君高臥滄浪灣。學
得劉伶能閉關。時貴門前足不到。曲肱飲水心
長閒。閒居自分清泉釣。誰知夢叶非熊兆。忍將
白髮下東山。不學青年向西笑。天路迢迢入帝
京。聖恩偏遂乞歸情。雲霄不逐鷺鴛去。煙水還
尋鷗鳥盟。茲晨別我東門路。春雨孤帆不堪駐。

典入三山若箇邊太常籌谷雲深處

題張大尹春江羣魚卷

雨香雲細東風暖藻荇參差蒲葉短江頭朝日
麗晴暉游鱗蕩漾春波滿大魚鼓鬣恣悠揚小
魚作隊俱洋洋披圖展玩意自適豈羨莊叟游
濠梁

賦得秦淮送王紀善可貞之魯

秦淮之水流滔滔石城巉巖春漲高江狹吹風
動天鏡海鷗拂雪飛銀濤城頭車馬日來去酒

幔紅橋映芳渚樹色遙分楊子煙潮聲近作長
干雨潮落潮生自古今綠蕪寒雁晚沉沉片帆
長送行人遠滄波不盡離情深君隨銅輦登彤
邸東魯迢迢幾千里應教閒時肯寄聲日向秦
淮候雙鯉

題王介軒先生白雲巢

六平山深多白雲白雲飛來長爲君縈林觸石
互隱見浮紈績翠何細縵若人結屋此山住長
與閒雲共朝暮忽然西笑逐飛龍雲亦隨君度

歷代詩選 明陳果之
江去素絲輕盈上繡衣紛紛片片帶霜威捧日
乍升霄漢上隨風還向闕山歸歸來巖扉宛如
昨此心況與雲無着野性惟應愛鹿麋荷衣不
到驚猿鶴道在心閒任卷舒達生委運竟何如
亦知萬化終歸盡願駕白雲游太虛

送吳經歷澤民復職紹興

庭梧一葉飄金井露濕鳴蛩夜初冷晨鐘聲動
送行人殘月斜明逗孤影羨子延陵賢後昆逢
時吐氣揚清芬昂藏已見瑤臺鶴騰沓能空冀

北羣黃堂贊政更奇偉寒露冰壺清見底庭閒
鳥雀下階除幕靜芙蓉泛秋水三季報政謝玉
京南宮奏最沐恩榮白門朋舊俱惜別棠陰父
老遙相迎茲晨買棹秦淮路一片風帆不堪駐
後夜相思空斷腸矯首稽山隔煙樹

送陳叔能之西安

對酒擊長劍陽關三疊聲相看惜分手欲別難
爲情君家與我同鄉縣夙昔論心非結面西窗
夜雨對青燈南苑春風接高宴憶昨同舟共紫

宸白門三見柳枝新去家未久頭應白在客相
看情更深此行振鐸西安路千里雲山舊遊處
口邊斗酒未成歡天際飛雲不堪駐三衢咫尺
近鄉關莫向明時厭冷官爲語吾宗老文學相
期努力共加餐

孫主事龍津春曉

老髯午夜鳴西頂雨漲清流溢山井曉風清漾
碧粼粼殘月斜明逗虹影香簾喚醒春茫茫瞳
隴羲馭升扶桑暖霞綠霧互明滅濛濛空翠侵

肌涼天池奮翼非常調俯視龍津一盃小玉缸
滴水漏聲殘夢入爐峰春正曉

茶坡入詠爲淳安許匡作

茶坡山水稱絕奇清溪一道相逶迤翠屏嵯峨
擁青黛拳石錯落排仙棋溪心羅漢顯真像石
面兒童儼相向靈龜仙鶴互呈祥上水橫江各
殊狀南陌春深谷雨收農人負耒晨驅牛東津
渡口晚色淨夕陽水檻看垂鈎此中勝槩多超
異況有賢人更清致平泉綠野未足跨蘭亭輞

歷代詩選 明陳果志
川果何愧萬事無心酒一觴是非榮辱總相忘
風前舉棹鷗隨艇月下鳴琴鹿近床林泉正可
諧清賞仙佩何期卽長往承家況有阿戎賢致
身已在青霄上白下相逢志不羈示予八詠索
題詩期君且展經濟略他日歸休良未遲

賦得灤河冰送張淑豫進士之北京

君不見見灤河之水幾萬里東流浩浩無時已朔
風慘淡寒霜凝一夜河流千尺冰將軍欲渡馬
蹄滑客子晨過肌欲裂光凝匣劍凍不開寒

狐裘冷如鐵躍鯉曾聞孝子名滹沱乍合啓中
興堪供宰輔助調燮還向詩人懷戰兢都門出
祖春將半懸想灤河冰已泮交情慎勿逐流漸
貞潔相期同歲宴

鄭大尹傲琴趣堂

製錦縮銅罌政平心亦閒簷枝掛蒲鞭理人絃
誦間琴堂訟息無機慮拂軫調微得深趣豐山
氣蕭霜鐘清瀟湘夜靜秋鴻度一曲陽春太古
音千門桃李澄幽陰鳴鳩拂羽桑田綠馴雉朝

飛麥隴深絃歌百里如鄒魯坐令民俗皆淳古
聲樂由來與政通不獨當季稱單父

送金長史之新淦

旅邸春歸盡那堪又送君驪歌空把別盃酒惜
離分征旆飛吳雨孤帆入楚雲金川蓮幕靜遲
爾報清芬

送江司訓之開化

一經遊上國千里惜分岐別路花明綺離筵柳
拂絲揚帆春雁盡投驛晚鸞遲想到家林日語

生候絳帷

送人尹江右

窮冬正蕭索離思又匆匆風雨孤帆別琴尊幾
日同雪晴淮水急雲盡楚天空花縣絃歌暇題
緘寄塞鴻

送人之天官

芳草正萋萋離筵惜解攜帆開江樹遠人去浦
雲低驛路嘶征馬津亭候曉雞九重憐赤子深
用慰黔黎

送人遊錢塘

錢塘古都會。風物盛繁華。綠樹人煙合。青樓酒
幔斜。湖山開麗景。羅綺艷晴霞。子去登臨候。還
尋和靖家。

雲濤海月送南翁上人歸囊山

京國長爲客。都門又送僧。千峰看飛錫。雙樹見
傳燈。身與雲無着。心將月共澄。囊山弦誦處。坐
演三乘。

雲庄種藥

羨爾幽棲日。崑扉不可扳。鳥啼清嶂靜。猿臥白
雲間。度嶺尋芝去。開田種木還。願希金鼎液。爲
我駐顏顏。

敘舊

故國別來久。那堪憶舊遊。鶯花春接席。風雨夜
同舟。明月心千里。青山夢一丘。相思限吳越。雲
樹共悠悠。

查濟中東谷

千峰縈紫翠。一徑入花源地。僻疑盤谷山。深訝

陸渾僧歸雲外寺。漁唱水邊村。高士時相過。陶然共一尊。

題李彥長盤谷序後

李愿棲隱處。寥寥隔市氛。橫琴山翠落。捲幔水聲聞。松偃留玄鶴。簷虛挂白雲。耳孫千載下。猶解躡清芬。

題林教諭萬竹書庄

羨爾書庄萬竹林。幽居偏得子猷心。閒宵隱几秋聲落。盛夏鈎簾雪意深。雲帶幽香侵縹帙。鶴

翻殘粉上瑤琴。自憐十竹軒前玉。別後春風長幾尋。

送鍊師歸莆田

遠承飛詔入京華。又捲玄經上羽車。鶴氅已沾新雨露。仙幢遙指舊煙霞。連天佩影吳霜白。隔水簫聲楚雁斜。想到琳宮春尚早。步虛閒繞碧桃花。

寄潘伯時

三溪橋上惜分襟。別後頻懸悵望心。吳楚天空

春雁盡關河人遠暮流深安仁獨賦閒居好司
馬那知久病侵顧我朝簪猶未擲何時同醉荔
花陰

寄諸弟

空堂遙夜思依依鐘鼓初殘啓曙扉明鏡流季
雙鬢換青山舊業幾時歸平蕪鴻雁看應盡芳
草春塘夢欲飛爲報惠連相憶否京華音問草
令稀

送林典史正弘歸天台

御河水泮柳條新才子鳴珂覲紫宸淡月踈鐘
雙闕曙暖風晴草萬家春南宮奏最多嘉績白
下離尊有故人明到天台仍入幕赤城遺老候
車塵

送陳秀才循歸三山

都門祖席送行車才子承恩出石渠東觀能書
推逸少文園多病見相如孤舟浙水寒潮落獨
樹關門霽雪初明到泮林絃誦暇題封好寄出
江魚

送鄞邑主簿復職

雙闕朝天承寵渥。都門祖帳惜分攜。布帆孤挂
隨鴻影。驛路重經信馬蹄。楓落吳江。寒月白潮
平。溯水暮雲低。殷勤早食琅玕去。枳棘何辭且
暫棲。

送鄭典史復職永嘉

奏最金門雪正花。又看銜命出京華。寒山匹馬
經吳苑。春水孤帆入永嘉。蓮幕政閒稀報事。莎
庭吏散早休衙。莫嗟卑秩多留滯。好領皇仁到

海涯

挽文江周處士

鶻冠瀟洒隱桑園。高蹈由來遠世喧。三徑落英
霜後酒。幾株喬木水邊村。黃梁已熟盧生夢。哀
些難招楚客魂。遙想夜臺無一恨。阿咸名譽擅
詞垣。

賦得白鷺洲送楊宐之歸廬陵

潮落江心見遠洲。數行汀鷺斷磯頭。石城遙際
孤煙沒。楊子平分二水流。芳草綠波空悵別。暮

雲春樹更關愁。玉堂暫有還家興。未許閒情狎
海鷗。

送朱楚善大尹之鄒

南宮奏最沐恩波。握手都門奈別何。吳樹曉聲
霜外落。嶧山寒色雁邊多。西風野渡孤帆遠。斜
日津亭匹馬過。聞道棠陰人候久。莫將行李更
蹉跎。

送魏彥恩之連州

楊柳絲絲繫別情。旗亭把酒送君行。鶯花窸窣
三春暮。雲水滄茫萬里程。梅嶺瘴消香騎遠。桂
江風靜布帆輕。到官如見陽山令。爲道平安蚤
寄聲。

送黃德光之瓊州

一麾出守赴遐陬。何限衣冠送遠遊。細柳新鶯
娛祖席。斷雲歸雁帶行舟。桄榔葉暗蠻煙淨。荔
子花香瘴雨收。邊徼從今無警候。鯨波萬里盡
安流。

蘇臺古柳送黃典史歸長樂

歷代詩選 明陽果之
吳苑繁華侶昔季，千株楊柳尚依然。長臨南陌
迷行客，曾逐春風拂舞筵。高樹蒼煙飛鳥外，亂
蟬黃葉夕陽邊。歸期早慰棠陰候，莫把長條繫
別船。

乙未元旦早朝簡林編修尚默

時林侍
奉天殿

椒盤喜迓歲華新，共整朝衫覲紫宸。霽雪漸消
寒外臆，東風先報禁中春。班趨鵷列星辰近，地
切鑾坡雨露均。共荷發生何補報，願輸丹懇答
皇仁。

送王別駕之太平

傳經璧水舊馳名，作郡今看佐太平。殘雪亂山
行客思，離堂別酒故人情。春回淮浦孤帆渡，路
入當塗五馬迎。公暇題緘寄知己，好憑歸雁到
瑤京。

秋江別意

西風蕭瑟白蘋洲，江上離人賦遠遊。落日明霞
千嶂晚，斷蟬黃葉幾家秋。長天候雁將行色，極
浦寒潮帶別愁。客裏披圖增感慨，不堪吟倚水

邊樓

鄭景能洪山書

翠微精舍辰洪山曲几明窗盡日間
礪壑雲深嵐氣溼石牀雨積蘚花斑
松邊茗茗留僧話竹外鈎簾待鶴還
自是長才終宦達未應林壑久躋攀

奉和胡學士冬至後六日游牛首山佛窟

韻

紺殿迢遶石徑微紅塵不到市聲稀
潭腥定水

知龍逝松偃低枝見鶴歸載酒詞臣
留墨妙談禪老衲悟真機
暫游自足諸清賞却笑淵明蚤拂衣

墨菊

嫩菊散輕煙青蕝含朝露不見柴
桑舍遙情托毫素

墨竹

月白三湘秋河明上池水夜半玉
簫寒青鸞忽驚起

羅寺晚鐘

稍分清籟寒復送斜陽暝煙際聲未沉僧歸在
蘿徑

曲磻垂虹

淙淙風雨鳴澹澹虹霓白引領孤興遙蒼林界
秋色

十八學士棋圖


唐家樓閣儼瀛洲簪珮聯翩結勝遊山水蒼蒼
圖畫裏漢陵無樹不空秋

題張天師墨竹

道人醉墨洒淋漓金錯交橫碧玉枝好是夜深
仙鶴去一天涼月影參差

敗荷春令為沈志行題

蕭瑟蒲蓮野水清雙飛遙羨雪鳩鳴誰憐獨影
空原上幾度秋風憶弟兄



石倉十二代詩選

石倉十二代詩選

明詩卷之三十三

終

空翠土幾與殊風

蕭瑟蕭蕭理水青雙飛雲鳥

秋色如荷香合為我志亦賦

山歸去一天京日瀑參差

夢入猶墨所林離金龍交謝集王林我長亦將

賦

